

10 AKAUN MEDIA SOSIAL YANG BOLEH DIIKUTI KETIKAINI

Di tengah-tengah pandemik Covid-19 yang melanda dunia, banyak acara sukan yang terjejas hingga terpaksa ditangguh atau dibatalkan. Jika anda rasa bosan dan lesu di rumah kerana kurang pendedahan kepada sukan sejak kebelakangan ini, Berita Minggu (BM) mencadangkan anda ikuti 10 akaun sukan ini di media sosial.



1 MyActiveSG

Anda ingin keluar bersenam, namun tidak mampu melakukanannya dengan langkah berjaga-jaga yang diperkenalkan? Usah khuatir. Anda boleh mengunjungi akaun MyActiveSG untuk mendapatkan maklumat tentang senaman yang anda boleh lakukan di rumah. Mereka turut mengongsi kisah-kisah menarik dari individu dan atlit negara.


Platform media sosial:



2 Alphonso Davies

Aplikasi Tik Tok kini menjadi kegiatan ramai di tengah-tengah wabak koronavirus yang melanda dunia. Ramai yang menggunakan untuk menghilangkan kebosanan, termasuklah pemain bek kiri Bayern Munich, Alphonso Davies. Sejak kebelakangan ini beliau mendapat perhatian 'netizen' dengan gelagat lucunya di Tik Tok.

Platform media sosial:



3 433

Jika anda ingin mengubat rindu terhadap aksi bola sepak dan ingin melihat gelagat spontan dan lucu dari pemain terkemuka dunia, anda boleh ke 433. Baru-baru ini, mereka telah mengajurkan perlawanan bola sepak Fifa20 yang dipertandingkan oleh pemain profesional seperti Romelu Lukaku dan Granit Xhaka.

Platform media sosial:



4 Cristiano Ronaldo

Dengan seramai 210 juta 'followers' Cristiano Ronaldo adalah antara selebriti sukan yang mempunyai bilangan terbesar peminat yang mengikutinya di media sosial. Sebagai seorang ikon sukan yang terkenal, Ronaldo banyak berkongsi tentang kehidupannya seperti masa yang diluangkan bersama keluarga termasuk empat anak kecilnya.

Platform media sosial:



5 TeamSingapore

Semua perkembangan sukan setempat di dalam satu akaun. TeamSingapore memaparkan aksi atlit negara dalam usaha menyokong perjuangan mereka dalam mengecap kejayaan di arena antarabangsa.

Platform media sosial:



6 Lionel Messi

Sebagai salah seorang bintang bola sepak yang dikenali ramai, Lionel Messi juga sering menggunakan platform media sosial beliau seperti Instagram untuk berinteraksi bersama peminatnya. Selain bola sepak, beliau juga mengutamakan keluarga beliau dalam perkongsian di akaunnya.

Platform media sosial:



7 TCW Legends

Nama petinju profesional negara, Muhamad Ridhwan 'The Chosen Wan' Ahmad tidak asing lagi di kalangan peminat sukan di sini. Selain menerusi laporan di akbar Berita Harian dan Berita Minggu, ramai juga mengenalinya menerusi akaun Instagram dan Facebook beliau. Di situ beliau banyak berkongsi tentang perkara yang dilakukannya setiap hari. Ridhwan juga rajin menghasilkan siri podcast dan vlog beliau sendiri.

Platform media sosial:



9 Fandi Ahmad

Ikon bola sepak Singapura, Fandi Ahmad, juga tidak ketinggalan dalam menggunakan media sosial seperti Instagram untuk mendekati peminatnya. Di situ beliau banyak mengongsi kehidupannya sebagai jurulatih dan bapa kepada pemain bola sepak negara berbakat seperti Irfan, Ikhsan dan Ilhan. Menerusi akaun Fandi, anda juga dapat mengunjungi akaun anak-anaknya dan mengikuti perkembangan mereka.

Platform media sosial:



8 Singapore Silat

Persekutuan Silat Singapura (Persisi) aktif dalam menggunakan platform media sosial untuk mendekati peminat sukan itu. Menerusi perkongsian dan pos di Instagram dan Facebook, orang ramai dapat maklumat serta perkembangan terkini yang berlaku di balik tabir pesilat negara dalam persediaan mereka sebelum pertandingan.

Platform media sosial:



10

BRFootball

Platform media sosial: Instagram. Selain 433, BRFootball juga menawarkan berita dan informasi terkini mengenai perkembangan bola sepak dunia. Ia mengajak peminat bola sepak mengimbas kembali kenangan perlawanan lama yang tidak dapat dilupakan. Kadangkala mereka akan memuat naik jenaka dalam lukisan karikatur.

